



Progjet promovût di 'La Vôs dai Furlans' e 'ARLeF'

MAMAN

la VÔS dai FURLANS

Lu saveviso che...?

Il carton de setemane



Horaci e Sedna a son une vore displasûts: Hans e Shung Lee a àn barufât par vie di cemût che a cusinin i fidelins e no vuelin fâ pàs.

Cjalin insemi la pontade di Horaci "I fidelins de discordie" su



Te Union Europeane si fevelin passe 80 lenghis e ancje il furlan al è tra chestis. Al è propit biel cognossi tantis lenghis e culturis, al è come meti sù un pâr di ocjâi colorâts: nus fâs viodi il mont in tantis manieris diferentis! Par no pierdi chest tesaur impuartant, il Consei de Europe al ricognòs il 26 di Setembar tant che la Zornade europeane des lenghis e al promôf iniziatis par valorizâ il plurilinguism. E tu tropis lenghis cognossistu?



Piture il dissen



cumò fâs tu!



- TALIAN
- PORTOGHÊS
- FURLAN
- TODESC
- INGLÊS
- SLOVEN
- FRANCÊS

Te nestre Regjon si fevelin tantis lenghis, ma 4 a son achì di tant di timp: Cjale la liste e cercle chês justis!

SOLUZIONI: TALIAN, FURLAN, TODESC, SLOVEN

Ridi a plene panze!

Pierut al so amì: "No mi plâs lâ a scuele. A pene che o impari alc, a tachin subit a spiegâ alc di gnûf!"

Pagine curade dal Sportel Regjonâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

O cjale lis replichis su telefriuli

Vinars aes 18.30 e domenie aes 7.00 e aes 13.00

STELIS E LUSIGNIS

Noa



Roc. Pierdi timp nol è simpri un mâl, parcè che ti da la pussibilitât di pensâ miôr su cierts rapuarts.



Taur. Fasint une robe che ti plâs une vore, tu viodaràs che il timp al passe intun lamp.



Zimui. Par fâ lis robis fasiti judâ dai amis, ma prime di dâ ordins cîr di scoltâ i lôr conseis.



Gjambar. In amôr alc si sta movint, ancje se no tu sâs di precis ce: lasse fâ al timp.



Leon. Meti in bande la braûre nol è sempliç par nissun, soredut par te.



Vergjine. Par un pòc di timp tu ti sês fermât sui progjets impins, ma e je ore di tornâ a cjaminâ.



Balance. Cîr di jessi te stes, cence lâ daûr di ce che chei altris a vuelin che tu sedis.



Sgarpion. Inte agjende dal cûr tu âs za cetantis cuistions viertis, no covente zontâ une di plui.



Sagjitari. Sul lavôr tu âs plui di cualchi fastidi, ma ti fasin dome imberdeâ i pinsîrs tal cjâf.



Bec di mont. Ti plâs stâ cidin, ma par une cuistion impuartante tu âs di fâ sintî la tô vôs.



Agarûl. Ti oblearan a fâ une robe che no ti plâs, ma la vite no je fate dute di garofui.



Pes. Se tu rivis a puartâ a cjase un biel risultât, tu viodaràs che ancje chei altris a rivaran di rive jù.